

حقوقى بىلىپلەر مجموعهسى

هر آيك اون بىشنده نشر اولنور

حکمی تمیز اجرایی تأخیر ایدرمی؟

بوسرلوحه ایله بارو مجموعه سنک صانی ۱۴ - ۲ شباط نسخه سنده انتشار ایدن خزینه و مسکرات انحصار اداره سی وکیلارندن آووقات عثمان نوری بک افندینک مقاله لرینی اوقودم .

مقاله نك موضوعی ۹۸۰ نومرولی قانونك ۱۱نجی ماده سی، حقوق اصول محاکم لری قانونك ۴۴۳نجی ماده سیله ملغا اولدیغندن تمیز محکمه سی اجرانك تأخیرینه قرار ویرمدکجه اجرا تأخیر اوله میه جنی مطالعه سندن عبارتدر .

محترم مسلکداشم، مطالعه لرینك حقوقی مستنداتی اوله رق :

۱ - اسکی اصول محاکمه حقوقیه قانونندن مؤخر اولان اجرا قانونك ۲۳نجی ماده سی اصولك ۲۲۴نجی ماده سیی الفا ایتمش عد اولوندیغندن اجرا قانونك تطبیقندن صوکره مذکور ۲۳نجی ماده یه توفیق معامله اقتضا ایلدیکنی و بو حکمك ۹۸۰ نومرولی قانونه قدر مرعی قالدیغنی ، حقوق اصول محاکم لری قانونك ۴۴۳نجی ماده سنك ده ۹۸۰ نومرولی قانونی ضمناً الفا ایلوب ضمناً الفا حقوقاً، صراحةً الفا ماهیتسده بولندیغنی ،

۲ - ۴۴۳نجی ماده یه متناظر اولان نوشاتل اصول محاکمه قانونك ۴۴۰نجی ماده سی عیناً ترجمه و تمیزك معاملات اجراییه نك جریانی اصلاً تعلیق و تعویق ایتمز الخ . حکمنه اشارتله تمیزك اجرایی تأخیر ایتمیه جکی قاعده سی دیگر دولتلك اصول حقوقیه قانونلرنده ده مصرح اولدیغنی و غارسوته نك عملی و نظری اصول محاکمه حقوقیه شرحنك آلتنجی جلدینك ۵۱۷نجی صحیفه سنك ترجمه ایدیلن مندرجاتی ده بونی تأیید ایلدیکنی ، ۳ - دیپوزیتو و یا حجز اموال ایله اجرانك تأخیری لازم کلسه ۴۴۳نجی ماده سنك لغو عد اولونمق ایجاب ایستدیکنی .

۴ - استیفاف درجه سنك الغاسی، محکمه تمیزك ماهیت و صلاحیت حقوقیه سی دکشدرمه یوب، بدایت محکمه لری مقرراننده درجه اصابت ایچون بشقه چاره لر آرانمقدن ،

خلاصه تمیز و یا تأمینات ایله تأخیر اجرا ایچون یکی بر ماده قانونیه تنظیمدن بشقه یولی اولمادیغنی ذکر و تصریح ایتمشلردر.

تلیخیص اولنان مطالعه و مستندات ایله نتیجه ایسه عیناً شودر :

« ۹۸۰ نومرولی قانونک حالا مرعیتی اجرا دائره لرجه ادعا اولنقده و بو ادا تطبیقات ایله ده فعلیاته قلب ایدلمکده در . نقطه نظریمه کوره بو معامله طوغری دکلدور . حقوق اصول محاکمهری قانونک چوق مهم بر قاعده سنی « مرده زاده » بر حاله کتیره جک تطبیقاتک توالیسنه جواز و بر له مک لازمدر .

افکار و اجتہادات حقوقیه نی ، نقطه نظر لرینی حرمتله قارشولارم . بونکه برابر مطالعه لرینه اشتراک ایدمه مکده و فعلیاته قلب اولنان اجتہادی مصیب کورمکده ایم .

مسئله نك دوائر اجراییه مزده هر کون حادث اولان ، همان همان بوتون اصحاب مصالحی علاقه دار ایدن بر موضوعه تعلق اعتباریله ارباب حقوقزک قیمتلی مطالعه لرینی بیانه جدا دگری واردر . فضل تقدم ایسه محترم مسلک داشمه عائددر .

بو باده کی دوشونجه لریمی ، حقوقی بیلکیلرک صحیفه لرینی اشغال صورتیله ارباب حقوقزه عرض ایتکی موافق بولدم . موضوعی تماماً علمی ، فعلیات و تطبیقات ساحه سندن خارج و مجرد اوله رق قبول ایلیورم .

۱ — اسکی اصول حقوقیه مزک ۲۲۴ نجی ماده سنک مخاطبی اول امرده محکمه تمیزدر . واضع قانون بوماده ایله تمیز استدعاسی نفس عقاره تعلق ایدن حقوقی بر معامله نك حکمفی حاوی اعلامک اجرایی تأخیر ایتمه جکی قاعده سنی وضع و تأسیس ، آنجق کفالت ، ده پوزیتو ، حجز اموال حالنده محکمه تمیزک اجرایی تأخیر ایتسی لزومی امر و تصریح ایتشدور .

مؤخر تاریخلی اجرا قانونک ۲۳ نجی ماده سنک مخاطبی ایسه طوغریدن طوغری به دوائر اجراییه در . واضع قانون بوماده ایله مأمورین اجراییه نك بو باده وظیفه لرینی ایفاء اساس اوله حق بر وجهه تعیین ایتشدور .

۲۲ نجی ماده ایله اعلامات حقوقیه نك قانونی مدتله ظرفنده اجرا اولنه بیله جکینی بیاندن صکره ۲۳ نجی ماده ده بواعلام ، نفس عقاره متعلق اولوبده دعوانک تمیز ایدلدیکی

اثبات اولنورسه اجرانك تأخير ايديله چكى، نفس عقاردن غيرى اعلاملك تأخير اجراسى
ايچون تميز محكمه سنك تأخير اجرايه دائر قرار و يردىكى اثبات اولونمىچمجه اجرايه دوام
اولنه چنى امر اولونمشدر .

بناءً عليه محترم مسلكداشمك بيوردقلى وجهله اجرا قانونك ۲۳ نجى مادهسى
اصولك ۲۲۳ نجى مادهسى الغا ايتىش عد اولنه چنى مطالعهسى وارد اولاماز . قالدى كه
بومطالعه مهم برتناقضى ده مقيددر . چونكه الغا مطالعهسى قبول ايدرايسهك تأخير اجرا
قرارى ويره بيلمك ايچون محكمه تميزه مستند قانونى بر اقامش اولورز . حالبوكه اجرا
قانونك نثرى تاريخندن صوكره تام اون اوچ سنه بومادهيه مستنداً محكمه تميزك تأخير
اجرا قرارى ويرمش اولدينى بر حقيقتدر .

شو جهتى استطراداً عرض ايتمك ايستهرم كه تميز دعوى وقوعى اجرانك تأخيرى
مستلزم اولهميه چنى اساسنك تطبيقاًده ضياع حقوقى انتاج ايتيمى احتمالى پك چوق سنه
اول نظر دقتى جلب ايتمش ، فعلياتك تميز مدتى اجرا اخبارنامه سنك بر عفتهلق مدته
تزييل ايلديكى كورولمش ، قانونك تعيين ايلديكى تأمينات و يرلمسنه رغماً له الحمد وطنمرك
وسعتى حسييله هر جزئنده بولنانلرك عيى زمانده بوحق قانونيدن استفاده ايتلملى قابل
اولاميه چنى دوشونولمشدر . بوكا چاره اوله رق (۹۵ و ۳۰۰) تاريخلى انجمن عدليه
قراريله قانونى تأمينات كوسترن ميزلره اعلامى ورن محكمه ايله تميز محكمه سنك يكديكرينه
اولان مسافهسى نظردقته آله رق مهل مناسب و يرلمسى تعميم ايدلمشدر . هر علمدن زياده
حقوق علمى؛ قاعده لرىنى امكانه، حسن نيته استناد ايتد يرمشدر .

بو اساسلره موافق اولان تعميم دوائر اجرايه مزده عمومى بر اجتهاد اوله رق تبلر
وتأسس ايدوب علمك، عدلك ايچابى يالشمشدر . جمهوريت عدليهسى ايسه ۹۸۰ نومرولى
قانونك ۱۱ نجى مادهسى ايله بوكا قطعيت و يرمشدر . بوده احتياجدن طوغشمشدر . بوماده،
اجرا قانوننه علاوه ايدملك صورتيه آتيده كى خكمى حاويدر :

«آنچق محكوم بيه مبلغ، كرك اصليه و كرك صلح محكمهسى اعلامنه مستند بولونسون
ديپوزيتو ايدلدىكى ويا محكومك ماللىرى حيز اولسدىنى تقديرده نفقه يه و اجراى موقته
متدار احكامه شامل اولماق اوزره اجرا نتيجه تميزه قدار تأخير اولونور.»

بوحکمک ۲۳ نجی ماده به یکی بوجه و پردیکی شهسزدر . فقط بوده مذکور
ماده بی الفا اتمه مشدر . چونکه بورجلیک مالی حظه قدر کچن معاملات ، حقوقاً معاملات
اجرائیه در . اعلامک تمیز ایدلایکنه دائر وثیقه کتیرلش اولسه بیله اجرا دائره سی ۲۲۴
و ۲۳ نجی ماده لره توفیقاً اجرایه دوام ایدر . بونک غایه سی ؛ آلاجلینک حجز اموال
صورتیله تأمین حقوقی ، طریق قانونی به مراجعت سر رشته سیله بورجلیک ماللری
قاجیر مسنه میدان ویرله مسیدر . بوغایه حجز ایله تحقق ایدنجه اجرا دائره سی ۱۱ نجی
ماده به بناء تمیز نتیجه سنه انتظارایلر . یعنی بوندن صکره واضع قانون بورجلیک حقوقی
دوشونمش ، لزومسز اعاده اجرائه میدان برقامشدر .

بومعروضاتمله ۳ نومرو تحتنده تلخیص ایتدیکم مطالعه یده جواب ویرمش اولیورم
ظنندهیم . چونکه اجرائک تأخیری حقنده تمیز محکمه سنه (ایده بیلیر) قیدیه حق تمیزدن
بشقه اسکی اصولک ۲۲۴ نجی ماده سیله حقوق اصول محاکمه لری قانونک ۴۴۳ نجی
ماده سنک برنجی وایکنجی فقره لری آره سنده حکماً حتی دیه بیلیرم که لفظاً فرق وارمیدر ؟
شو حالده بوکونکی حکم اسکی قانونله عیناً مرعی اولدینی زمان واضع قانون ۱۱ نجی
ماده بی وضع ایتس بونده لغو فرض وتصور اتمه مشدر . بیلیم که بز مطالعه مزله بولغو
خصوصی فرض ایده بیلیرمی ز ؟

۲۲۴ نجی ماده ایله ۱۱ نجی ماده آره سنده واضع قانون آری برفرق دها کوستر مشدر .
محکمه تمیز کفالت قویه ایله تأخیر اجرایه قادر ایکن بوجهت اجرا دائره سنده موضوع
بحث اولاماز ، بوده پک طبیعیدر . احکام اجرائیه تقدیردن فضله قطعته استناد ایدر اک
بیوک محکمه مز ایسه کفالتک قوتی تعیین ایلر . ذاتی مطالعه حدودینی تجاوز اتمه جکینی
بیلدیکله برابر اوتهدنبری بعض لزوملی جهتلری استسنا شرطیله اعلاملرک کسب قطعیت
ایتمه کجه اجرائی موافق اولیه جنی ، اقراره استنادله ویا قضیه محکمه ایله آنجق جبری
اجرا یاپلسی قاعته دییم . بوشه سز آری بر موضوعدر . شو قدرکه واضع قانونمز مختلف
حکملره بوقفه بی دائماً درپش ایتشدر . استیناف محکمه لرینک حسب الضرور الفاسندن
صوکره موضوعات قانونیه مزده بونی کور مکده ز . هان ، هان پک آز تحالفله عینی نتیجه به
واومقده ز . نفس عقار قیدینک عینی حقلره عائله وشخصک حقوقلرینه تشمیلی بونک
بارز مثاللریدر .

۴۴۳ نجی ماده‌نك اوجنجی و متعاقب فقره‌لری تأمیناتسز نه صورتله تأخیر اجرا قرار ی و بریله جلدی، نفقه اجرا سنك تأخیری جائز اوله میه جغنی، غیر منقوله، عینی حقاره، عائله و شخصك حقوقه متدائر حکمرانك قطعیت کسب ایتدکجه اجرا اولنه میه جغنی مبین اولوب بونلر ماده‌نك برنجی و ایکنجی فقره‌لریله موضوع قاعده‌نك استثنای اولدیغی ظاهر در . بونلردن یالکزر بریسی اسکی اصولك ۲۲۴ نجی ماده‌سنده کورمکده یز . نته کیم دیگر بر حکم قانون ایله کسب قطعیت ایتمهش اولان اعلامه مستقداً حبساً تضییق جائز در .

شو حالده ۴۴۳ نجی ماده اسکی اصولك ۲۲۴ نجی ماده‌سنك استثنای خارج اوله رق مقولوب بر حکم قانونیدن بشقه برشمیدر؟ عینی حکم وارکن ۱۱ نجی ماده قونولماشمیدر؟ بناءً علیه یکی حکم ایله اسکیمی ولو ضمناً اولسون الغا ایدمك بر وضعیت تحصیل ایتشمیدر؟ شو حالده بوالغا مطالعه‌سی زردن چیقارلمشدر؟ ایضاحات معروضه بوسؤاللره و بریله جك منفی جوابك کافی درجه مستندات ی تشکیل ایدر ظننده ییم . اصولك ۵۸۱ نجی ماده‌سی ایسه هانکی احکام قانونیه‌نك الغا ایدلمش اولدیغی واضحاً کوسترمکده در . شبهه‌سز واضع قانون جهات مبحونه‌نی تأمل ایدرک اجرا قانونه مذیل ۱۱ نجی ماده‌نك الغاسنه یکیدن اشارت لزومی حس ایتمه‌مشدر . بواساساً حقوقاً معتاد اولمیان بر حالدر .

۲ — حقوق اصول محاکمه‌لری قانونمزك نوشتل اصول حقوقیه‌سندن آلدیغی ، بعض حکمرانی ایچونده آلمان و دیگر دولتمنده قانونلردن استفاده ایدلدیکی معلومدر . محترم مسلکداشمك ترجمه بیوردقلری قانونك ۴۰۰ نجی ماده‌سی عیناً قانونمزه نقل ایدلمش و آنك برینه موضوع ۴۴۳ نجی ماده آری بر حکمی مقید بولنش اولدیغی کیفیت معروضاتی تأیید ایدن و فقط محترم مسلکداشم طرفندن درمیان بیوریان بردیل اوله رق تلقی ایدلسی طوغری اولمازمی ؟

غارسونه‌نك شرحندن ترجمه و اشهادلری بیلیم، ۴۴۳ نجی و ۱۱ نجی ماده‌لره مطلق بر مائلت فرضنه بزه امکان و بره بیلیمی ؟ شرحده کی مطالعاتی لذتله و حرمتله اوقودم . تعلق ایدلدیکی قانونك حکمرانه کوره اصابتی ده ظاهر و بالخاصه عاجز کی قلم صاحب‌لرینك یالکزر و یالکزر استفاده‌لرینی تأمین ایدمك فیضلی منبعلردن اولدیغی ده پك طبعیدر .

بونکله برابر شوراسنی مفتخرانه قید ایتدن کچه میه جکم . غارسونه‌نك ترجمه بیوریان شرحده کوردیکم (اوجنجیسی) — که تماماً کیفی در — خزینه دولتك محافظه منافی ایچون وضع ایدلمشدر) طرزنده کی تنقیدلرینك تعلق ایتدیکی حکمرانه موضوعاتمزه تصادف ایتمه یز . فرد ایله دولت قانونمزه عینی اصوله تابعدر .

۴ — مطالعات و مستندآمزده استیناف محکمه لریك لغوی خصوصی اساسی بریر
تشکیل ایتمه مشدر .

تماماً احکام قانونیه مزه استناد ظننده بولندیغ مطالعه مزده بدایت محکمه لریك درجه
اصابتی مسئله سیده وارد خاطر اولما مشدر . اساساً محکمه لریك تطبیقات قانونیه ده کی
درجه اصابتی خصوصی تقدیرمك پك زیاده فوقنده کورورم . استئنارله قارشی محکمه
تمیزمك حق اصلاح و اجتهادی تأمل ایدیلیرسه عمومیت اعتباریله اصابتك موجودیتی
هممز پك صمیمی اوله رق تسلیم ایدرز .

خلاصه واضع قانون ۱۱ نجی ماده یی نه ضمناً ونده صراحة الفا ایتمه مش اولدیغندن
آیریمجه احکام وضعی ده بالطبع موضوع بحث اولاما .

معروضاتی محترم ملکداشم کبی نتیجه لندیره حکم : اجراء اثره لریك ۹۸۰ نومرولی
قانونك مرعی اولدیغنی تطبیقاتله فعلیانه قلب صورتیله واقع ادعاری تماماً طوغریدر .
قانونه مستددر . بوطبیقات اصول حقوقیه یی (مرده زاد) برحاله کتیرمش دکل ، بلکه
واضع قانونك پك آجیق مقصدی دائره سنده حرکتله ایکی طرفك حقوقی قسطاس عدالتله
توزیمه معطوف غایه سنی جانلی برصورتده کوستر مشدر .

بونکله ، دعواسنی تمیز ایتمش ، تقدراً و پامالاً آلا جقینك حقوقی تأمین ایلمش اولان
بورجلینك بو حسن نیقی قارشوسنده مجرد ضمناً الفا نقطه سنه استناد ایدرك « تمیزاً دعوائی
قزاندیغکز وقت هیچ بر تأمیناتی موجود اولدیغنی ادعا ایدیله میه جك اولان آلا جقلی
حفنده اعاده اجرا طریقله مراجعت ایده بیلیرسکز » طرزنده قانونه منافی تطبیقاته اجرا
دائرلریمز جواز ویرمه مشدر .

فکریمجه اجرا دائره سی تطبیقاتی صریح حکملره استناد ایتدیر مکده در . حتی عثمان
نوری بك افدینك الفا نظریه سنی بر آن ایچون قبول ایتمه ك ، قانون مدینك حاکم لریمز
بحق و برمش اولدیغنی صلاحیته استناداً و اجتهاداً تطبیقات مذکورده ك یاسیلمش اولدیغنی
کورسه ك بیله ینه تلقی بالقبول ایدلك ایجاب ایدر .
چونکه ایکی طرفك حقنی تأمین صورتیله حقانیت ، حسن نیت قاعده لرینه تماماً موافقدر .

استانبول اجرا ریسی

هاکم ارغنی احمد رفیق